

Zeitschrift: Il glogn : calender dil pievel : annalas per historia, litteratura e cultura romontscha
Band: 12 (1938)
Artikel: [Poesias]
Autor: Latour, Ludivic / Sialm, G.B.
DOI: <https://doi.org/10.5169/seals-881211>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 05.05.2025

ETH-Bibliothek Zürich, E-Periodica, <https://www.e-periodica.ch>

Aunc ina migeivla e cuntenta egliada entuorn entuorn e lu encueran ses egl
clars e ruasseivels la direcziun encunter la patria . . . aunc ina leva fladada,
accompagnada d'in migeivel surrir . . . e sia olma nobla e valerusa ei ida
vi tiella gronda armada . . .

Fin

Remarca digl'autur: De scriver questa novella sundel jeu vegnius animaus entras
la lectura ed il studi de Sgr. Dr. Alex. Pfister: „Ils Grischuns sut Napoleon
Bonaparte.“ (Mira: „Annalas“ XXX VII. p. 89 e sqq.) La persuna principala, Gion Gelli
Casaulta, ei per part historica; tut gl'auter ei inventau. Sch'jeu plaidel aunc 1806 dals
„mess della Dieta“ e dalla „dertgira della Ligia“, sch'ei quei facticamein buca historic
pli (sunter 1799), mo tuttina aunc valeivel pil pievel de gliezs temps,
essend che quel ha, els embrugls della „Helvetica“ e „Mediazion“, aunc adina teniu —
el scriver e dir — vid il vegl uorden della Ligia, sco documentan aunc oz las empremas
gasettas romontschas! —

Notg d'unviern e glina pleina

*Notg d'unviern e glina pleina
Clara, frestga e sereina
Freid' e criua eis sgarscheivel.
Tgeu eis ei e ruasseivel.
E sco bia milliuns candeilas
A nus paran quellas steilas
Che il firmament orneschan
E la glina circumdeschan.
Ils carstgauns perderts e sabís
Cristians, pagauns, salvadis
Tuts vus steilas contempleschan,
Vies scaffider adoreschan.
Cara glina, grond' e biala
Ti has buca liung' urialla
Da digren e da carschen
Semper eis en movimen.
L'aua schela ell'umbriva
E sper pegna ella stiva
Staltan uss per sescaldar
Vegls e giuvens, sor' e frar.
Notg d'unviern e glina pleina
Clara, frestga e sereina
Freid' e criua eis sgarscheivel
Tgeu eis ei, e ruasseivel.*

Ludovic Latour

Las paupras olmas

*Calira respira
l'entira natira,
la aria ei greva e peisa sil tgau.
Pupira endira
la dira planira,
fadetgnas ed jarvâs setschuoran sil prau.*

*Schi passas e bassas
ein massas e massas
de flurs moribundas sil prau ed en iert!
Il tgau che cupida,
la feglia turrida
tut trembla e bragia, encuera confiart.*

*Quei ein bein las stentas
ded olmas dolentas
che plonschan e rogan leugiu el desiart.
O hagues, fideivel,
in cor buntadeivel!
Ni spetgas entochen ch'ei tucca da miert?*

G. Btt. Sialm

Tard gl'atun

*Feglia secca sgol' e tuna,
il pumer ei sc' in cavriu.
Nin utschi che pli canzuna,
sin ils aults hai gia neviu.*

*En mulin strusch va la roda,
igl ual ei sin sbuglir.
Sur gl'uaul in tschierv che croda:
„Mort, tgi vas ad encurir?“*

*Stgir sesaulza bia brentina,
il suleagl po ca sclarir.
Cor, miu cor, has ti furtina!
Sentas era tiu murir?*

G. Btt. Sialm